

**Kerajaan Kedah Bentang Belanjawan Defisit RM1.1 Bilion
Bernama
20 November, 2012**

KUALA LUMPUR, 20 Nov (Bernama) -- Industri pembuatan farmaseutikal generik Malaysia dijangka melihat jumlah perolehan tahunan sebanyak US\$365 juta (RM1.108 bilion) menjelang akhir tahun, kata Persatuan Industri Farmaseutikal Malaysia.

Menteri Besar Datuk Seri Azizan Abdul Razak berkata daripada jumlah itu, RM657 juta ialah bagi perbelanjaan mengurus, RM369 juta perbelanjaan pembangunan dan RM57.5 juta untuk bekalan air.

Di bawah perbelanjaan mengurus, sejumlah RM231.5 juta ialah untuk bayaran emolumen; RM121.2 juta bagi perkhidmatan dan bekalan; RM230.4 juta pemberian dan kenaikan tetap; RM13.8 juta pembekalan aset dan RM6.8 juta untuk perbelanjaan lain.

Bagi peruntukan pembangunan pula, sebanyak 61.17 peratus atau RM225.24 juta ialah untuk sektor infra; 11.65 peratus atau RM43 juta bagi pentadbiran; 19.78 peratus atau RM73 juta untuk sosial; 6.84 peratus atau RM25.24 juta sektor pertanian, 0.34 peratus atau RM1.26 juta untuk sektor pelancongan dan 0.22 peratus atau 0.8 juta bagi pembangunan sukan.

Azizan berkata kerajaan negeri menjangkakan kutipan hasil negeri pada 2013 meningkat daripada RM550 juta pada 2012 kepada RM640 juta, dengan jumlah peningkatan sebanyak RM105.6 juta akan disumbang oleh hasil premium tanah di Langkawi, Alor Setar dan Bandar Baharu serta bayaran jualan air mentah kepada Syarikat Air Darul Aman (Sada) dan kerajaan Pulau Pinang.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=710254>